

Ikniwan Yosef okinemakakeh ma wia Egiptoh

Los hermanos de José lo vendieron para ir a Egipto



Yosef - 1

Nawatl de la Sierra de Zongolica

Ikniwan Yosef okinemakakeh ma wia Egiptoh

Los hermanos de José lo vendieron
para ir a Egipto

Inemilis Yosef: Ipan Se Amoxtli

Ken Nochi Otlapew 37:3-36

Okidibuharoh :

Noel Dapit

Nawatl de la Sierra de Zongolica

Veracruz, México

Copyright © 2017, ToMasewalTlahtol



<http://creativecommons.org/licenses/by-nc/4.0/>

You may not use this work for commercial purposes. You may adapt and add to this work. You must keep the copyright and credits for authors, illustrators, etc.

ToMasewalTlahtol
2017

Adapted from original, Copyright © 2005, Kartidaya. Licensed under CC-BY-NC 4.0.

Itlahtoltzin ToTahtzin
nlv



Ihkuak Abraham iwan Sarah yi kokoxkatikeh okatkah, toTahtzin Yahweh okinyekihtolih kiplaskeh se konetl. Inon inkone oneski, iwan okitokayotihkeh Itzaak.

Itzaak omonamiktih iwan Rebekah, iwan yehwan okinpixkeh ome inchokkowan kuatahtih: yehwan Yakob iwan Esau. Yokob noihki itoka Israel.

Yakob mahtlaktli iwan ome ichokkowan okinpixki. Inin amatl techillia tlen omochih ichokko akin Yakob okachi okitlasohtlaya, yen Yosef.




Yakob okachi okitlasohtlak Yosef amo kemih
okseki ikonewan ika okipixki ihkuak yitetahtzin
okatka. Ikinon okichiwilih se tlakemitl
kuikuultik satekitl kualtzin.

Otlapew 37.3



Ihkuak ikniwan okittakeh inpapan okachi
okitlasohtlaya amo kemih yehwan,
okikualankaittayah, amo okinekiah
kitlapowiskeh ik kualyotika.

Otlapew 37.4



Se tonalli Yosef otemik iwan okinmillih
ikniwan. Yehwan okachi ik okikualankaittakeh.

Otlapew 37.5



Okihtoh:

—Xikkakikan tlen onitemik. Tinochtin
otikatkah ixtlawak otiktlahkoilpiayah trigo.
Notlilpil san nellihka omoketz iwan
omokettoka, iwan anmotlalpilwan
okiyawalohkeh iwan ixpan omotoolowayah.

Otlapew 37.6-7




Ikniwan okinankilihkeh:

—¿Kox tikihtos tietos totlanawatihka iwan
techtlanawatis?

Iwan okachi okikualankaittayah ika itemikilis
iwan tlen okihtoh.

Otlapew 37.8



Oksappa otemik iwan okinmillih ikniwan.

Okihtoh:

—Xikittakan oksemi onitemik. Axan yen
tonaltzin iwan metzin iwan mahtlaktli iwan se
sitlalinmeh omotoolowayah noixpan.

Otlapew 37.9



Ihkuak okinmillih ipapan iwan ikniwan
ipapan okahwak, okillih:

—¿Tlen inin otitemik? ¿Kox tikihtosneki neh
iwan momaman iwan mokniwan timotooloskeh
tlalpan moixpan?

Ihkon ikniwan okinkualaniaya iwan ipapan
okilnamiktoka.

Otlapew 37.10-11




Se tonalli ikniwan Yosef otlahpiatoh ik
Xekem.

Israel okillih Yosef:

—Mokniwan tlahpixtokeh Xekem. Nikneki xiah
xikinmittati.

Otlanankilih:

—Kemah, ma niah.



Okillih ipapan:

—Xiah xikinmittati ken kateh mokniwan iwan ken kateh ichkameh. Satepan techillikin.

Ihkon ipapan okititlanki ma kisa tlakomolli Hebron iwan oahsito Xekem. Ompa okillihkeh ikniwan kateh Dotan. Oksappa okis okintemohtiah iwan ompa okinmasito Dotan.

Otlapew 37.14-17



Ok wehka okatka, yehwan okittakeh. Ihkuak ayemo oehkowaya, omotlatlalwihkeh kenin ik kimiktiskeh. Okinmolliayah:

—¡Ne witz weyi temikiani! Ma tikmiktikan, ma tikkahkawakan itech se tekochtli tlen nikan kateh; ihkon tikihtoskeh, “Se tekuani okikuah.” ¡Ihkon sekittas kox mochiwas tlen otemik!

Otlapew 37.18-20



Ihkuak okikak yen Ruben okinek kimakixtis,
okihtoh:

—¡Amo ma tikmiktikan! ¡Amo ma
tikmimililikan iesso! San xikkahkawakan
tekochko ompa tlalkawalko; amitlah okachi
xiktoktikan.

Noso yen Ruben okinekiaya kimakixtis inmak
iwan kiwikilis ipapan.

Otlapew 37.21-22




Ihkuak Yosef oehkok innawak ikniwan
okikixtilihkeh itlaken kuikuiltik, iwan
okikahkawatoh ihtik teekochtli. Teekochtli
owaktoya, amitlah atl okipiaya.



Ikniwan omotlalihkeh otlakuayah.
Oahkotlachixkeh okinmittakeh sekimeh
Ixmaeltlakameh owallayah Galaad.
Inkameyohwan okimamahtokah tlasohahwiak,
pahtli ahwiak, iwan pahtli mirra, okiwikayah
Egiptoh.

Otlapew 37.25



Yudah okinmillih ikniwan:

—¿Tlen tiktlaniskeh tla tikmiktiskeh tokni iwan tiktlaatiskeh iesso? Okachi kualli ma tikinnemakiltikan ninkateh Ixmaelitahtih. Amo tonewian ma tikmiktikan noso yeh tokni iwan toesso.

Otlapew 37.26-27



Tlen yeh okihtoh okinpaktih. Ikinon ihkuak
tlasemankeh Madianitahtih ompa
opanowayah, okixtihkeh Yosef itech
tekochtli, okinnemakiltihkeh ika sempowalli
istaktomin, iwan yehwan Ixmaelitahtih
okiwikakeh Egiptoh.



Okimiktihkeh se tentzontzin iwan itlaken
Yosef okesnelohkeh ika iesso.


Otlapew 37.31



Inon tlakemitl kualtzin okiwikilihkeh
inpapan, okillihkeh:

—Xikitta tlenon otikahsikeh. ¿Kox tikixmati,
kox amo yen mochokkoh itlaken?

Otlapew 37.32




Yakob okixmatki, okihtoh:
—¡Yeh nokone itlaken! ¡Se tekuani wiero
okikuah! ¡Se tekuani okikokototzki noYosef!



Ompa okitzayanki itzotzol, iwan
omotesontlakentih, miak tonalli okichokiliaya
ichokkoh.

Otlapew 37.34



Nochi ichokkowan iwan ichpochwan
owallahkeh kiyollosewikiweh noso yeh amo
okinekiaya moyollosewis. Okihtoh:

—Amo. Neh ihkuak nimikis iwan niknamikitin
nochokkoh ompa Miktlan , ok nikchokilihtos.

Ihkon ipapan Yosef okichokilih.

Otlapew 37.35



Ompa Egiptoh, Madiantlakameh
okinemakakeh Yosef imak Potifar, yeh se weyi
itlakewal Faraon, tlen okinyekanaya
ikuatepossohkawan.

Otlapew 37.36

